



ᐅᑎᑎᑦ ᐅᑦᑎᑦᑎᑦ  
Building *Nunavut* Together  
*Nunavut*luqatigiingniq  
Bâtir le *Nunavut* ensemble

## Nunavut Naudjuhia

1973 – Inuit Tapiriit Kanatami (ITK) Naunaiqhailiqtut Inuit nunamingnik atuqpauhiinik nayuqpaktainiglu. Uvuuna naunaiqhaidjut Nunavut kiglikhaa naunaiqtauyuq.

1976 – ITK Nunavuliurumaliqtut imaa iluittuq angirutikhaq Inuit nunataaqtangannut Nunattiamit (NWT). Nunavut uuktuutaat piyumayuugaluangata Ualiniup Tariunga unalu Yukon Tun'ngani Hinaata nunangit ilautqublugit.

1980 – Ukiuqtamaadjutini Katimayuaramik Tattianaqtumi, ITK-ktut katimayaqtutihimayait qaangiqtittiyut piqutingini piyumaliqhutik Nunavuliurlutik.

1990 – Tun'ngavitkut Timingat Nunavut (TFN) Katimayaqtuqtullu Kanatap Kavamaannit Nunattiamillu angiqatigiigutilluqallianikkut atiliuqhutik. Angirutit ikayuutauyut Nunattiami taimaalu niruaqtittiniaqhutik avikturvihaagut.

1992 – TFN-ktut kavamatkullu angiqatigiiktut aivaqatigiiktiit angiqut ihuariyakhaanik. Amigaitqiyat niruaqtut angiqtaat ilanga avikturviluqtangata. Tun'ngavitkut kavamatkullu angiriaqtuqhimayut atiliuqtaat Nunavunmi Kavamalirinirmut Angirutit, taimaa naupkarutikhaa Nunavut Qitiqqautiyuq 1, 1999-mi. Hikutirviani, tamaita Nunavunmiut niruaqtut, Inuit Nunavunmi angiqtaat Nunavunmi Nunataarutit Angirutaanut (NLCA).

1993 – Nunavut Angiruta atiliuqtauyuq. Nunavunmi Nunataarutit Angirutaanut (NLCA) Maligaq unalu Nunavunmi Maligaq tiguaqtautaat Kanatamiut Maligaliurvigyuangata taimalu Kuinmit Anittitaubluni.

1995/1996 – Tumiit Nutaami Aputimi unalu Tumiit II, titiqqat titiraqhimayaat Nunavunmi Atuliqtittinirmut Parnaiyaiyit, atuqiyut maligaliurviqanirmi avikturviit aulapkaudjutikhaat Nunavut Kavamaqarviinik avikturviinut hiamilugit nunallaanut. Tumiit II atuqtauyuq naunaitkutaubluni tun'ngavikhaagut Kavamakhaata Nunavut.

1997 – Havagvia Kamisinaulluaktumik piblutik ikayuqtukhamik auladjutikhaagut Nunavukhaup. Havaakhaa aulapkailirluni kavamkhanik aulaliriangita Qitiqqautiyuq 1, 1999-mi.

1998 – Ihuqhaqtauhimayuy Nunavut Maliganga tiguaqtautaat Kanatamiut Maligaliurvigyuangata taimalu Kuinmit Anittitaubluni Taaqhivalirvia 9-mi 1999-mi.

1999 – Nunavut avikturvua kavamangalu aulaliqhutik Qitiqqautiyuq 1, 1999-mi.

